

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Deddfwriaeth (Cymru) 2019, ATODLEN 1. (See end of Document for details)

ATODLEN 1

(A gyflwynir gan adran 6)

DIFFINIADAU O EIRIAU AC YMADRODDION

Gwybodaeth Cychwyn

- I1** Atod. 1 mewn grym ar 11.9.2019 at ddibenion penodedig, gweler **a. 44(1)(c)**
I2 Atod. 1 mewn grym ar 1.1.2020 i'r graddau nad yw eisoes mewn grym gan **O.S. 2019/1333, ergl. 2**

TABL

[^{F1} Aelod o'r Senedd (<i>Member of the Senedd</i>)]	mae "Aelod o'r Senedd" i'w ddehongli yn unol ag adran 1(2A) o Ddeddf Llywodraeth Cymru 2006 (p. 32)
Aelod-wladwriaeth (<i>member State</i>)	ystyr "Aelod-wladwriaeth" yw Gwladwriaeth sy'n aelod o'r Undeb Ewropeaidd
Arglwydd Ganghellor (<i>Lord Chancellor</i>)	ystyr "Arglwydd Ganghellor" yw Arglwydd Uchel Ganghellor Prydain Fawr
Awdurdod Cyllid Cymru (<i>Welsh Revenue Authority</i>)	ystyr "Awdurdod Cyllid Cymru" yw'r awdurdod a sefydlwyd gan adran 2 o Ddeddf Casglu a Rheoli Trethi (Cymru) 2016 (dccc 6)
Banc Lloegr (<i>Bank of England</i>)	ystyr "Banc Lloegr", yn unol â gofynion y cyd-destun, yw— (a) Llywodraethwr a Chwmni Banc Lloegr, neu (b) banc Llywodraethwr a Chwmni Banc Lloegr
blwyddyn ariannol (<i>financial year</i>)	ystyr "blwyddyn ariannol" yw blwyddyn sy'n gorffen â 31 Mawrth
Bwrdd Iechyd Lleol (<i>Local Health Board</i>)	ystyr "Bwrdd Iechyd Lleol" yw Bwrdd Iechyd Lleol a sefydlwyd o dan adran 11 o Ddeddf y Gwasanaeth Iechyd Gwladol (Cymru) 2006 (p. 42)
F2 ...	F2 ...
[^{F3} Cod Dedfrydu (<i>Sentencing Code</i>)]	ystyr "Cod Dedfrydu" yw'r cod sydd wedi ei gynnwys yn Neddf Dedfrydu 2020 (p. 17) (gweler adran 1 o'r Ddeddf honno)
Comisiwn Cydraddoldeb a Hawliau Dynol (<i>Equality and Human Rights Commission</i>)	ystyr "Comisiwn Cydraddoldeb a Hawliau Dynol" yw'r Comisiwn Cydraddoldeb a Hawliau Dynol a sefydlwyd gan adran 1 o Ddeddf Cydraddoldeb 2006 (p. 3)
Comisiwn Elusennau (<i>Charity Commission</i>)	ystyr "Comisiwn Elusennau" yw Comisiwn Elusennau Cymru a Lloegr, a barheir gan adran 13 o Ddeddf Elusennau 2011 (p. 25)

*Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys
 ar gyfer y Deddf Deddfwriaeth (Cymru) 2019, ATODLEN 1. (See end of Document for details)*

[^{F1} Comisiwn y Senedd (<i>Senedd Commission</i>)]	ystyr “Comisiwn y Senedd” yw’r Comisiwn a sefydlwyd gan adran 27 o Ddeddf Llywodraeth Cymru 2006 (p. 32) (ac a enwyd yn wreiddiol yn Gomisiwn Cynulliad Cenedlaethol Cymru)]
Cwnsler Cyffredinol (<i>Counsel General</i>)	ystyr “Cwnsler Cyffredinol” yw Cwnsler Cyffredinol Llywodraeth Cymru, a benodir o dan adran 49 o Ddeddf Llywodraeth Cymru 2006 (p. 32)
Cyfoeth Naturiol Cymru (<i>Natural Resources Wales</i>)	ystyr “Cyfoeth Naturiol Cymru” yw Corff Adnoddau Naturiol Cymru, a sefydlwyd gan erthygl 3 o Orchymyn Corff Adnoddau Naturiol Cymru (Sefydlu) 2012 (O.S. 2012/1903 (Cy. 230))
[^{F4} cyfraith a gymathwyd (<i>assimilated law</i>)]	[^{F4} mae i “cyfraith a gymathwyd” yr ystyr a roddir i “assimilated law” gan adran 6(7) o Ddeddf yr Undeb Ewropeaidd (Ymadael) 2018 (p. 16) (gweler hefyd baragraff 7 o Atodlen 1 i Ddeddf Taliadau Uniongyrchol i Ffermwyr (Parhad Deddfwriaethol) 2020 (p. 2) ac adran 5 o Ddeddf Cyfraith yr UE a Ddargedwir (Dirymu a Diwygio) 2023)]
y Cyfrin Gyngor (<i>the Privy Council</i>)	ystyr “y Cyfrin Gyngor” yw’r Arglwyddi ac eraill o Dra Anrhydeddus Gyfrin Gyngor Ei Mawrhydi
Cyllid a Thollau Ei Mawrhydi (<i>Her Majesty’s Revenue and Customs</i>)	mae i “Cyllid a Thollau Ei Mawrhydi ” yr ystyr a roddir gan adran 4 o Ddeddf y Comisiynwyr Cyllid a Thollau 2005 (p. 11) (a gweler adrannau 3(5) ac 11(4) o Ddeddf Ffiniau, Dinasyddiaeth a Mewnfudo 2009 (p. 11) , sy’n darparu i gyfeiriadau at Gyllid a Thollau Ei Mawrhydi gynnwys swyddogion penodol sydd wedi eu dynodi o dan y Ddeddf honno)
Cymru (<i>Wales</i>)	ystyr “Cymru” yw— (a) ardal gyfunol y siroedd a’r bwrdeistrefi sirol yng Nghymru (gweler Rhannau 1 a 2 o Atodlen 4 i Ddeddf Llywodraeth Leol 1972 (p. 70)), ynghyd â (b) y môr sy’n gyfagos i Gymru o fewn terfynau atfor y môr tiriogaethol, ac mae’r cwestiwn ynghylch pa rannau o’r môr sy’n gyfagos i Gymru i’w benderfynu yn unol ag erthygl 6 o Orchymyn Cynulliad Cenedlaethol Cymru (Trosglwyddo Swyddogaethau) 1999 (O.S. 1999/672)
F2 ...	F2 ...

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Deddfwriaeth (Cymru) 2019, ATODLEN 1. (See end of Document for details)

<p>cytundeb yr AEE (<i>EEA agreement</i>)</p>	<p>ystyr “cytundeb yr AEE” yw’r cytundeb ar yr Ardal Economaidd Ewropeaidd a lofnodwyd yn Oporto ar 2 Mai 1992, ynghyd â’r Protocol sy’n amrywio’r Cytundeb hwnnw a lofnodwyd ym Mrwsel ar 17 Mawrth 1993, fel y’i haddesir neu yr ychwanegir ato o bryd i’w gilydd; ond mewn perthynas ag amser ar neu ar ôl [^{F5}diwrnod cwblhau'r cyfnod gweithredu] nid yw’n cynnwys unrhyw deddfwriaeth uniongyrchol [^{F6}a gymathwyd]</p>
<p>y Cytuniadau (<i>the Treaties</i>) neu Cytuniadau’r UE (<i>the EU Treaties</i>)</p>	<p>mae i “y Cytuniadau” neu “Cytuniadau’r UE”—</p> <p>(a) [^{F7}mewn perthynas ag amser cyn diwrnod cwblhau'r cyfnod gweithredu, yr ystyr a roddir i “the Treaties” neu “the EU Treaties” gan Ddeddf y Cymunedau Ewropeaidd 1972 (p. 68) fel y mae’n cael effaith yn rhinwedd adran 1A o Ddeddf yr Undeb Ewropeaidd (Ymadael) 2018;</p> <p>(b) mewn perthynas ag amser ar neu ar ôl diwrnod cwblhau'r cyfnod gweithredu, yr ystyr a roddir i “the Treaties” neu “the EU Treaties” gan Ddeddf y Cymunedau Ewropeaidd 1972 fel yr oedd ganddi effaith yn union cyn diwrnod cwblhau'r cyfnod gweithredu, ac mae’n cyfeirio at y Cytuniadau neu Gytuniadau'r UE fel yr oeddent yn union cyn diwrnod cwblhau'r cyfnod gweithredu]</p>
<p>datganiad statudol (<i>statutory declaration</i>)</p>	<p>ystyr “datganiad statudol” yw datganiad a wneir yn rhinwedd Deddf Datganiadau Statudol 1835 (p. 62)</p>
<p>F2 ...</p>	<p>F2 ...</p>
<p>[^{F1}Deddf gan Senedd Cymru (<i>Act of Senedd Cymru</i>)</p>	<p>ystyr “Deddf gan Senedd Cymru” yw Deddf a ddeddfir o dan Ran 4 o Ddeddf Llywodraeth Cymru 2006 (p. 32) (pa un ai fel Deddf gan Senedd Cymru neu Ddeddf gan Gynulliad Cenedlaethol Cymru)]</p>
<p>[^{F1}Deddf gan Senedd y Deyrnas Unedig (<i>Act of the Parliament of the United Kingdom</i>)</p>	<p>mae “Deddf gan Senedd y Deyrnas Unedig” yn cynnwys Deddf gan Senedd Prydain Fawr neu gan Senedd Lloegr]</p>
<p>deddfiad (<i>enactment</i>)</p>	<p>ystyr “deddfiad” yw unrhyw un o’r canlynol neu ddarpariaeth mewn unrhyw un o’r canlynol—</p> <p>(a) [^{F8}Deddf gan Senedd Cymru],</p> <p>(b) Mesur Cynulliad,</p>

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Deddfwriaeth (Cymru) 2019, ATODLEN 1. (See end of Document for details)

	<p>(c) Deddf gan Senedd y Deyrnas Unedig, (d) unrhyw ddeddfwriaeth uniongyrchol [F⁶a gymathwyd], neu (e) unrhyw is-ddeddfwriaeth</p>
[F ⁹ deddfwriaeth uniongyrchol a gymathwyd (<i>assimilated direct legislation</i>)]	[F ⁹ mae i “deddfwriaeth uniongyrchol a gymathwyd” yr ystyr a roddir i “assimilated direct legislation” gan adran 20(1) o Ddeddf yr Undeb Ewropeaidd (Ymadael) 2018 (p. 16) (gweler hefyd baragraff 7 o Atodlen 1 i Ddeddf Taliadau Uniongyrchol i Ffermwyr (Parhad Deddfwriaethol) 2020 (p. 2) ac adran 5 o Ddeddf Cyfraith yr UE a Ddargedwir (Dirymu a Diwygio) 2023)]
y Deyrnas Unedig (<i>United Kingdom</i>)	ystyr “y Deyrnas Unedig” yw Prydain Fawr a Gogledd Iwerddon
[F ¹⁰ diwrnod cwblhau'r cyfnod gweithredu (<i>implementation period completion day</i>)]	mae i “diwrnod cwblhau'r cyfnod gweithredu” yr ystyr sydd i “IP completion day” o fewn ystyr Deddf yr Undeb Ewropeaidd (Y Cytundeb Ymadael) 2020 (p. 1), ac mae ymadroddion perthynol i'w dehongli yn unol â hynny (gweler adran 39(1) i (5) o'r Ddeddf honno)]
diwrnod gwaith (<i>working day</i>)	ystyr “diwrnod gwaith” yw unrhyw ddiwrnod nad yw'n ddydd Sadwrn, dydd Sul, Dydd Nadolig, Dydd Gwener y Groglith nac yn ddiwrnod sy'n wyl banc yng Nghymru a Lloegr o dan Ddeddf Bancio a Thrafodion Ariannol 1971 (p. 80)
diwrnod ymadael (<i>exit day</i>)	mae “diwrnod ymadael” ac ymadroddion perthynol i'w dehongli yn unol ag “exit day” yn adran 20(1) i (5) o Ddeddf yr Undeb Ewropeaidd (Ymadael) 2018 (p. 16)
Goruchaf Lys (<i>Supreme Court</i>)	ystyr “Goruchaf Lys” yw Goruchaf Lys y Deyrnas Unedig a sefydlwyd gan adran 23 o Ddeddf Diwygio Cyfansoddiadol 2005 (p. 4)
graddfa safonol (<i>standard scale</i>)	mae i “graddfa safonol”, mewn perthynas â dirwy neu gosb am drosedd ddiannod, yr ystyr a roddir i “standard scale” [F ¹¹ — (a) yn achos trosedd y mae'r troseddwr wedi ei euogfarnu ohoni ar neu ar ôl 1 Rhagfyr 2020, gan adran 122 o'r Cod Dedfrydu; (b) yn achos trosedd yr oedd y troseddwr wedi ei euogfarnu ohoni cyn y dyddiad hwnnw,] gan adran 37 o Ddeddf Cyfiawnder Troseddol 1982 (p. 48)

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Deddfwriaeth (Cymru) 2019, ATODLEN 1. (See end of Document for details)

Gweinidog y Goron (<i>Minister of the Crown</i>)	ystyr “Gweinidog y Goron” yw deiliad swydd yn Llywodraeth Ei Mawrhydi yn y Deyrnas Unedig, ac mae’n cynnwys y Trysorlys
Gweinidogion Cymru (<i>the Welsh Ministers</i>)	mae “Gweinidogion Cymru” i’w ddehongli yn unol ag adran 45(2) o Ddeddf Llywodraeth Cymru 2006 (p. 32) (sy’n darparu bod cyfeiriadau at Weinidogion Cymru yn gyfeiriadau at y Prif Weinidog a Gweinidogion Cymru a benodir o dan adran 48 o’r Ddeddf honno)
gwladwriaeth AEE (<i>EEA state</i>)	ystyr “gwladwriaeth AEE”, mewn perthynas ag unrhyw bryd, yw— (a) gwladwriaeth sydd ar y pryd yn Aelod-wladwriaeth, neu (b) unrhyw wladwriaeth arall sydd ar y pryd yn barti i gytundeb yr AEE
is-ddeddfwriaeth (<i>subordinate legislation</i>)	ystyr “is-ddeddfwriaeth” yw rheoliadau, gorchmynion, rheolau, Gorchmynion yn y Cyfrin Gyngor, cynlluniau, gwarantau, isddeddfau ac offerynnau eraill a wneir o dan— (a) [^{F8} Deddf gan Senedd Cymru], (b) Mesur Cynulliad, (c) Deddf gan Senedd y Deyrnas Unedig, neu (d) deddfwriaeth uniongyrchol [^{F6} a gymathwyd]
Lloegr (<i>England</i>)	mae i “Lloegr” yr ystyr a roddir i “England” gan Atodlen 1 i Ddeddf Dehongli 1978 (p. 30)
llw (<i>oath</i>), affidafid (<i>affidavit</i>), a tyngu llw (<i>swear</i>)	mae “llw” ac “affidafid” yn cynnwys cadarnhad a datganiad; ac mae “tyngu llw” yn cynnwys cadarnhau a datgan
Llys Apêl (<i>Court of Appeal</i>)	ystyr “Llys Apêl” yw Llys Apêl Ei Mawrhydi yng Nghymru a Lloegr
Llys Ewropeaidd (<i>European Court</i>)	ystyr “Llys Ewropeaidd” yw Llys Cyfiawnder yr Undeb Ewropeaidd
Llys y Goron (<i>Crown Court</i>)	ystyr “Llys y Goron” yw Llys y Goron yng Nghymru a Lloegr a sefydlwyd yn wreiddiol gan adran 4 o Ddeddf y Llysoedd 1971 (p. 23) (a ddiddymwyd gan Ddeddf Uwchlysoedd 1981 (p. 54))
Llys Gwarchod (<i>Court of Protection</i>)	ystyr “Llys Gwarchod” yw’r Llys Gwarchod a sefydlwyd gan adran 45 o Ddeddf Galluedd Meddyliol 2005 (p. 9)

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Deddfwriaeth (Cymru) 2019, ATODLEN 1. (See end of Document for details)

llys sirol (<i>county court</i>)	ystyr “llys sirol” yw’r llys sirol yng Nghymru a Lloegr, a sefydlwyd gan adran A1 o Ddeddf Llysoedd Sirol 1984 (p. 28)
llys teulu (<i>family court</i>)	ystyr “llys teulu” yw’r llys teulu yng Nghymru a Lloegr, a sefydlwyd gan adran 31A o Ddeddf Achosion Priodasol a Theuluol 1984 (p. 42)
llys ynadon (<i>magistrates’ court</i>)	ystyr “llys ynadon” yw llys ynadon, o fewn yr ystyr a roddir i “magistrates’ court” gan adran 148 o Ddeddf Llysoedd Ynadon 1980 (p. 43), yng Nghymru a Lloegr
Llywodraeth Cymru (<i>Welsh Government</i>)	mae “Llywodraeth Cymru” i’w ddehongli yn unol ag adran 45(1) o Ddeddf Llywodraeth Cymru 2006 (p. 32)
[^{F12} mân ddeddfwriaeth uniongyrchol a gymathwyd (<i>assimilated direct minor legislation</i>) prif ddeddfwriaeth uniongyrchol a gymathwyd (<i>assimilated direct principal legislation</i>)]	[^{F12} mae i “mân ddeddfwriaeth uniongyrchol a gymathwyd” yr ystyr a roddir i “assimilated direct minor legislation” ac mae i “prif ddeddfwriaeth uniongyrchol a gymathwyd” yr ystyr a roddir i “assimilated direct principal legislation” gan adran 20(1) o Ddeddf yr Undeb Ewropeaidd (Ymadael) 2018 (p. 16) (gweler hefyd baragraff 7 o Atodlen 1 i Ddeddf Taliadau Uniongyrchol i Ffermwyr (Parhad Deddfwriaethol) 2020 (p. 2) ac adran 5 o Ddeddf Cyfraith yr UE a Ddargedwir (Dirymu a Diwygio) 2023)]
Mesur Cynulliad (<i>Assembly Measure</i>)	ystyr “Mesur Cynulliad” yw Mesur gan Gynulliad Cenedlaethol Cymru, a ddeddfwyd o dan Ran 3 o Ddeddf Llywodraeth Cymru 2006 (p. 32) (a beidiodd â chael effaith yn rhinwedd adran 106 o’r Ddeddf honno , yn ddarostyngedig i’r arbediad a barheir gan baragraff 5 o Atodlen 7 i Ddeddf Cymru 2017 (p. 4))
mis (<i>month</i>)	ystyr “mis” yw mis calendr
offeryn UE (<i>EU instrument</i>)	ystyr “offeryn UE” yw unrhyw offeryn a ddyroddir gan sefydliad UE, ond mewn perthynas ag amser ar neu ar ôl [^{F13} diwrnod cwblhau’r cyfnod gweithredu] nid yw’n cynnwys unrhyw ddeddfwriaeth uniongyrchol [^{F6} a gymathwyd]
[^{F14} parth Cymru (<i>Welsh zone</i>)	mae i “parth Cymru” yr ystyr a roddir i “Welsh zone” gan adran 158 o Ddeddf Llywodraeth Cymru 2006 (p. 32) (a gweler erthygl 3 o Orchymyn Parth Cymru (Ffiniau a Throsglwyddo Swyddogaethau) 2010 (O.S. 2010/760), sy’n gwneud darpariaeth ynghylch terfynau’r parth)].

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Deddfwriaeth (Cymru) 2019, ATODLEN 1. (See end of Document for details)

person (<i>person</i>)	mae “person” yn cynnwys corff o bersonau corfforedig neu anghorfforedig
Prif Weinidog (<i>First Minister</i>)	ystyr “Prif Weinidog” yw Prif Weinidog Cymru a benodir o dan adran 46(1) o Ddeddf Llywodraeth Cymru 2006 (p. 32) (a gweler adran 45(2) o’r Ddeddf honno, sy’n darparu bod cyfeiriadau at Weinidogion Cymru yn cynnwys y Prif Weinidog)
[^{F3} Pwyllgor Cyfrifon Cyhoeddus (<i>Public Accounts Committee</i>)	ystyr “Pwyllgor Cyfrifon Cyhoeddus” yw pwyllgor Senedd Cymru a sefydlwyd yn unol ag adran 30 o Ddeddf Llywodraeth Cymru 2006 (p. 32) (ac y cyfeirir ato yn yr adran honno fel y “Pwyllgor Archwilio”)]
rheolau llys (<i>rules of court</i>)	ystyr “rheolau llys”, mewn perthynas ag unrhyw lys, yw rheolau a wneir gan yr awdurdod a chanddo’r pŵer i wneud rheolau neu orchmynion sy’n rheoleiddio arferion a threfniadaeth y llys hwnnw
[^{F15} rhwymedigaeth a gymathwyd (<i>assimilated obligation</i>)]	[^{F15} ystyr “rhwymedigaeth a gymathwyd” yw rhwymedigaeth— (a) a grëwyd neu a gododd gan neu o dan Gytuniadau UE cyn diwrnod cwblhau’r cyfnod gweithredu, a (b) sy’n ffurfio rhan o’r gyfraith a gymathwyd, fel y’i haddesir o bryd i’w gilydd]
sefydliad UE (<i>EU institution</i>)	ystyr “sefydliad UE” yw unrhyw un o sefydliadau’r Undeb Ewropeaidd
[^{F1} Senedd Cymru (<i>Senedd Cymru</i>)	ystyr “Senedd Cymru” yw’r senedd ar gyfer Cymru a sefydlwyd gan adran 1 o Ddeddf Llywodraeth Cymru 2006 (p. 32) (ac a enwyd yn wreiddiol yn Gynulliad Cenedlaethol Cymru)]
tir (<i>land</i>)	mae “tir” yn cynnwys adeiladau a strwythurau eraill, tir a orchuddir â dŵr, ac unrhyw ystad, buddiant, hawddfaint, gwasanaethfaint, hawl mewn tir neu hawl dros dir
tribiwnlys Cymreig (<i>Welsh tribunal</i>)	mae i “tribiwnlys Cymreig” yr ystyr a roddir i “Welsh tribunal” gan adran 59(1) o Ddeddf Cymru 2017 (p. 4)
trosedd ddiannod (<i>summary offence</i>)	ystyr “trosedd ddiannod” yw trosedd, os y’i cyflawnir gan oedolyn, na ellir ei rhoi ar brawf ond yn ddiannod— (a) heb gynnwys trosedd a drinnir fel pe bai y gellir ei rhoi ar brawf yn ddiannod yn unig yn rhinwedd adran 22 o Ddeddf Llysoedd Ynadon 1980 (p. 43) , a

*Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys
 ar gyfer y Deddf Deddfwriaeth (Cymru) 2019, ATODLEN 1. (See end of Document for details)*

	(b) gan anwybyddu adran 40 o Ddeddf Cyfiawnder Troseddol 1988 (p. 33) (sy'n darparu ar gyfer achosion pryd y caniateir cynnwys cownt sy'n cyhuddo person o drosedd ddiannod mewn ditiad)
trosedd dditiadwy (<i>indictable offence</i>)	ystyr "trosedd dditiadwy" yw— (a) trosedd, os y'i cyflawnir gan oedolyn, y gellir ei rhoi ar brawf ar ddiad yn unig, neu (b) trosedd neillfordd
trosedd neillfordd (<i>offence triable either way</i>)	ystyr "trosedd neillfordd" yw trosedd, os y'i cyflawnir gan oedolyn, y gellir ei rhoi ar brawf naill ai ar ddiad neu'n ddiannod— (a) heb gynnwys trosedd y gellir ei rhoi ar brawf ar ddiad yn rhinwedd adran 40 o Ddeddf Cyfiawnder Troseddol 1988 (p. 33) yn unig, a (b) gan anwybyddu adran 22 o Ddeddf Llysoedd Ynadon 1980 (p. 43) (sy'n ei gwneud yn ofynnol bod troseddau neillfordd penodol i'w rhoi ar brawf yn ddiannod os yw'r gwerth sydd ynghlwm yn fach)
y Trysorlys (<i>the Treasury</i>)	ystyr "y Trysorlys" yw Comisiynwyr Trysorlys Ei Mawrhydi
Uchel Lys (<i>High Court</i>)	ystyr "Uchel Lys" yw Uchel Lys Barn Ei Mawrhydi yng Nghymru a Lloegr
yr UE (<i>the EU</i>) neu yr Undeb Ewropeaidd (<i>the European Union</i>)	ystyr "yr UE" neu "yr Undeb Ewropeaidd" yw'r Undeb a sefydlwyd gan y Cytuniad ar Undeb Ewropeaidd a lofnodwyd yn Maastricht ar 7 Chwefror 1992, fel y'i diwygiwyd gan unrhyw Gytuniad diweddarach; ac mae'n cynnwys, i'r graddau y mae'r cyd-destun yn ei chaniatáu neu'n ei gwneud yn ofynnol, Cymuned Ynni Atomig Ewrop
Uwchlysoedd (<i>Senior Courts</i>)	ystyr "Uwchlysoedd" yw Uwchlysoedd Cymru a Lloegr (gweler adran 1 o Ddeddf Uwchlysoedd 1981 (p. 54))
[^{F3} Ymddiriedolaeth Genedlaethol (<i>National Trust</i>)	ystyr "Ymddiriedolaeth Genedlaethol" yw'r Ymddiriedolaeth Genedlaethol dros Fannau o Ddiddordeb Hanesyddol neu Harddwch Naturiol a gorfforwyd gan Ddeddf yr Ymddiriedolaeth Genedlaethol 1907 (p. cxxxvi)]
ysgrifennu (<i>writing</i>)	mae "ysgrifennu" yn cynnwys teipio, argraffu, lithograffi, ffotograffiaeth a dulliau

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Deddfwriaeth (Cymru) 2019, ATODLEN 1. (See end of Document for details)

	eraill o gynrychioli neu atgynhyrchu geiriau ar ffurf weladwy
Ysgrifennydd Gwladol (<i>Secretary of State</i>)	ystyr “Ysgrifennydd Gwladol” yw un o Brif Ysgrifenyddion Gwladol Ei Mawrhydi

Diwygiadau Testunol

- F1** Geiriau yn Atod. 1 wedi eu hepgor (6.5.2020) gan [Deddf Senedd ac Etholiadau \(Cymru\) 2020](#) (anaw 1), a. 42(2), **Atod. 1 para. 5(7)(b)**
- F2** Geiriau yn Atod. 1 wedi eu hepgor (6.5.2020) yn rhinwedd [Deddf Senedd ac Etholiadau \(Cymru\) 2020](#) (anaw 1), a. 42(2), **Atod. 1 para. 5(7)(a)**
- F3** Geiriau yn Nhabl [Atod. 1](#) wedi eu mewnosod (27.11.2020) gan [Rheoliadau Deddf Deddfwriaeth \(Cymru\) 2019 \(Diwygio Atodlen 1\) 2020](#) (O.S. 2020/1356), rhlau. 1(2), **2(2)**
- F4** Geiriau yn Nhabl [Atod. 1](#) wedi eu hamnewid (1.1.2024) gan [Retained EU Law \(Revocation and Reform\) Act 2023](#) (c. 28), a. 22(3), **Atod. 2 para. 9(6)(a)(i)** (ynghyd ag a. 22(6)); O.S. 2023/1363, rhl. 3(e)
- F5** Geiriau yn Atod. 1 wedi eu hamnewid (31.1.2020) gan [European Union \(Withdrawal Agreement\) Act 2020](#) (c. 1), a. 42(7), **Atod. 5 para. 61(b)** (ynghyd ag a. 38(3)); O.S. 2020/75, rhl. 4(n)(xxviii)
- F6** Geiriau yn Nhabl [Atod. 1](#) wedi eu hamnewid (1.1.2024) gan [Retained EU Law \(Revocation and Reform\) Act 2023](#) (c. 28), a. 22(3), **Atod. 2 para. 9(6)(a)(ii)** (ynghyd ag a. 22(6)); O.S. 2023/1363, rhl. 3(e)
- F7** Geiriau yn Atod. 1 wedi eu hamnewid (31.1.2020) gan [European Union \(Withdrawal Agreement\) Act 2020](#) (c. 1), a. 42(7), **Atod. 5 para. 61(c)** (ynghyd ag a. 38(3)); O.S. 2020/75, rhl. 4(n)(xxviii)
- F8** Geiriau yn [Deddf](#) wedi eu hamnewid (6.5.2020) gan [Deddf Senedd ac Etholiadau \(Cymru\) 2020](#) (anaw 1), a. 42(2), **Atod. 1 para. 5(8)**
- F9** Geiriau yn Nhabl [Atod. 1](#) wedi eu hamnewid (1.1.2024) gan [Retained EU Law \(Revocation and Reform\) Act 2023](#) (c. 28), a. 22(3), **Atod. 2 para. 9(6)(a)(iii)** (ynghyd ag a. 22(6)); O.S. 2023/1363, rhl. 3(e)
- F10** Geiriau yn Atod. 1 wedi eu mewnosod (31.1.2020) gan [European Union \(Withdrawal Agreement\) Act 2020](#) (c. 1), a. 42(7), **Atod. 5 para. 61(d)** (ynghyd ag a. 38(3)); O.S. 2020/75, rhl. 4(n)(xxviii)
- F11** Geiriau yn Nhabl [Atod. 1](#) wedi eu mewnosod (27.11.2020) gan [Rheoliadau Deddf Deddfwriaeth \(Cymru\) 2019 \(Diwygio Atodlen 1\) 2020](#) (O.S. 2020/1356), rhlau. 1(2), **2(3)**
- F12** Geiriau yn Nhabl [Atod. 1](#) wedi eu hamnewid (1.1.2024) gan [Retained EU Law \(Revocation and Reform\) Act 2023](#) (c. 28), a. 22(3), **Atod. 2 para. 9(6)(a)(iv)** (ynghyd ag a. 22(6)); O.S. 2023/1363, rhl. 3(e)
- F13** Geiriau yn Atod. 1 wedi eu hamnewid (31.1.2020) gan [European Union \(Withdrawal Agreement\) Act 2020](#) (c. 1), a. 42(7), **Atod. 5 para. 61(e)** (ynghyd ag a. 38(3)); O.S. 2020/75, rhl. 4(n)(xxviii)
- F14** Geiriau yn Nhabl [Atod. 1](#) wedi eu mewnosod (23.1.2021) gan [Fisheries Act 2020](#) (c. 22), **aa. 46(8)(b), 54(2)** (ynghyd ag [Atod. 4 para. 31](#))
- F15** Geiriau yn Nhabl [Atod. 1](#) wedi eu hamnewid (1.1.2024) gan [Retained EU Law \(Revocation and Reform\) Act 2023](#) (c. 28), a. 22(3), **Atod. 2 para. 9(6)(a)(v)** (ynghyd ag a. 22(6)); O.S. 2023/1363, rhl. 3(e)

Newidiadau i ddeddfwriaeth:

Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Deddfwriaeth (Cymru) 2019, ATODLEN 1.